

Siunnersuummut nassuiaatit

**Nalinginnaasumik nassuiaatit**

**1. Siunnersuutip tunuliaqutaa**

Siunnersuut manna politikikkut inissisimaneq tunuliaqutaralugu saqqummiunneqarpoq. Saqqummiussissut innersuussutigineqarpoq.

**2. Siunnersuutip imarisaa**

Ulloq 6. april 2021 immikkut ittumik Inatsisartunut qinersisoqarnissaa siunnersuutip nassataraa.

Tassunga atatillugu immikkut ittumik qinersinerup ingerlanneqarnissaanut partiillu qineqqusaarnissaanut tapiissutinik immikkoortitsisoqarnissaa, siunnersuutip nassataraa.

**3. Pisortanut aningaasatigut allaffissornikkullu kinguneqaatit**

2021-mut aningaasanut inatsimmi partiit qineqqusaarnissaanut aningaasaliissutit (konto pingaarneq 10.03.03) 3.750.000 kr-nik annertusineqarnera kiisalu qinersinermut aningaasartuutitut aningaasaliissutit (konto pingaarneq 10.03.05) 1.000.000 kr-nik annertusineqassasoq, siunnersuutip nassataraa.

**4. Namminersorlutik inuussutissarsiortunut aningaasatigut allaffissornikkullu kinguneqaatit**

Siunnersuut namminersorlutik inuussutissarsiortunut aningaasatigut allaffissornikkullu kinguneqaateqassanganneqanngilaq.

**5. Avatangiisinut, pinngortitamut inuillu peqqissusaannut kinguneqaatit**

Siunnersuut avatangiisinut, pinngortitamut inuillu peqqissusaannut kinguneqaateqassanganneqanngilaq.

**6. Innuttaasunut kinguneqaatit**

Siunnersuut allaffissornikkut innuttaasunut kinguneqaateqassanganneqanngilaq.

**7. Kinguneqaatit annertuut allat**

Siunnersuut allanik annertuunik kinguneqaateqassanganneqanngilaq.

**8. Tusarniaaneq**

Tusarniaasoqanngilaq.

**Siunnersuummi aalajangersakkanut ataasiakkaanut nassuiaatit***§ 1-mut*

Ulloq 6. april 2021 Immikkut ittumik Inatsisartunut qinersisoqarnissaa siunnersuutigineqarpoq. Ullormik aalajangersaanermi qinersinermut piareersaasiornermut atatillugu Inatsisartunut qinersisarneq pillugu Inatsisartut inatsisaanni killiliussat eqqortinneqartussat immikkut isiginiarneqarput, soorluttaaq qinersinermik piareersaasiornermut tunngasunik naammassineqartussat isiginniarneqartut.

*§ 2-mut*

Inatsisartunut qinersisarneq pillugu Inatsisartut inatsisaanni piffissap qinersiviup ukiunik sisamanik sivisussuseqartup, qinersivimmi uani sanioqqunneqarnissaa siunnersuutip nassataraa.

Inatsisartunut qinersisarneq pillugu Inatsisartut inatsisaanni aalajangersakkat Inatsisartunut immikkut ittumik qinersoqarnerani atuupput, tassani Inatsisartut inatsisaanni §§ 28-33, qarasaasiakkut allakkatigut taasineq, sulii atulinngitsut kisiisa pinnagit.

*§ 3-mut*

Nunatta karsiata Inatsisartunut immikkut ittumik qinersinermut atatillugu aningaasartuuteqarnissaanut, 2021-mut aningaasanut inatsimmi qinersinermut tunngasunik aningaasartuutitut (konto pingarneq 10.03.05) aningaasaliissutit 1.000.000 kr-nik qaffanneqarnissaat siunnersuutigineqarpoq.

Qinersarneq pillugu inatsimmi § 60 naapertorlugu naqitertitanut, tamanut nalunaaruteqarnernut pappiaranullu taasivissanut aningaasartuutit kiisalu sumiiffinnut kommunit aggornerisa avataanniittunut tunngasumik immikkut aningaasartuutit Nunatta karsianit akilerneqassapput. Qinersinerup ingerlanneqarneranut tunngasumik aningaasartuutit allat kommuninit pineqartunit matussuserneqassapput.

Ilanngullugu partiit qineqqusaarnermik ingerlatsisinnaaqqullugit 2021-mi aningaasanut inatsimmi partiit qineqqusaarnissaannut tapiissutitut tunngasunik aningaasaliissutit (konto pingarneq 10.03.03) 3.750.000 kr-nik qaffanneqarnissaat siunnersuutigineqarpoq.

2021-mut aningaasanut inatsimmi kommuninut qinersinermut atatillugu partiit qineqqusaarnissaannut aningaasanik immikkoortitsisoqarpoq, Inatsisartunullu qinersineq ilaanngilaq.

*§ 4-mut*

Inatsisartut inatsisaat tamanut saqqummiunneqarnermi aqaguani atuutilissasoq siunnersuutigineqarpoq.